

REFERAT SAA- Sanarfinermut Avatangiisinullu Ataatsimiititaq d. 04-02-2019

Mødedato Mandag d. 04. februar 2019 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Aningaasaqarnermut Inuussutissarsiornermullu Ataatsimiititamut aammalu Kommunalbestyr	8
Piginnaatitsinermik agguataarinissamut pilersaarut.....	9
Nuuk Centerip allinissaanut suliap pilersaarusionerqarnissaanut qinnuteqaat.....	12
Mitsimmavik, Nuummi inissialiorfissaq nutaaq.....	17
Taasariaqartut allat.....	22
Suliat matoqqasut.....	23
Imaqarniliap akuerineqarnera.....	24

Punkt 0: Saqqa

Ilaasortat

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Laura Taunâjik (S)

Taava aamma Brian Torp Mitsimmavik, Nuummi inissialiorfissaq nutaaq pillugu saqqummiussissaaq

Beslutning

Oqarasuaatikkut peqataavoq: Harald Bianco (IA), Knud Mathiassen (IA), Charlotte Pike (IA), Mala Høy-Kúko (S) aamma Laura Taunâjik (S).

Justus Hansen-imut (D) sinniisuuvoq Knud Mathiassen (IA)

Punkt 1: Oqaluserisassat akuersissutigineqarneri

Beslutning

Oqaluserisassat allannguutaalu akuerineqarput.

Punkt 2: Nalunaarutit

2a. Siulittaasup nalunaarutai

2b. Ingerlatsiviup nalunaarutai

Beslutning

2a. Soqanngilaq

2b.

Punkt 3: Ilisimatitsissutit

Soqanngilaq.

Beslutning

Soqanngilaq.

Punkt 4: Aalajangiiffigisassat

Soqanngilaq.

Beslutning

Soqanngilaq.

**Punkt 5: Suliat Aningaasaqarnermut Inuussutissarsiornermullu
Ataatsimiititamut aammalu Kommunalbestyrelsimut ingerlateqqitassat**

Punkt 05A: Piginnaatitsinermik agguataarinissamut pilersaarut

Beslutning

Innersuussutigineqartut akuersissutigalugit.

Bilag

Bilag 1. Kompetencefordelingsplan for Kommuneqarfik Sermersooq KAL_25183.docx

Piginnaatitsinermik agguataarinissamut pilersaarut

Aalajangiiffigisassaq

J nr: 00.00.00-A00-1052-18

Suliffeqarfimmi Kiffartuussivik – Kommunaldirektøri Lars Møller-Sørensen / LMS

Suliassamik eqikkaaneq

Qinikkat Allatseqarfiata piginnaatitsinermut agguataarinissamut tamanut atuuttussaq sularisimavaa. Piginnaatitsinermik agguataarinissamut pilersarummi tamanut atuuttussami takuneqarsinnaavoq, aalajangiisinnaanermut piginnaatitsissutit Kommunalbestyrelsip, ataatsimiititat allaffeqarfimmilu sulisut akornanni qanoq agguataarneqarsimanersut.

Piginnaatitsinermik agguataarinissamut pilersaarummi ingerlatsivinni tamani qinikkanut sullissinerup assigiissarneqarnissaata malinnaaffigilluarneqarnissaa qulakkeerneqassaaq, aammalu suliani ataasiakkaani kikkut aalajangiinissamut piginnaatitaanerini nalornisoqarsinnaanera pinaveersaartinneqassalluni.

Piginnaatitsinermik agguataarinissamut pilersaarut ataatsimiititani ataavartuni, Aningaasaqarnermut Inuussutissarsiornermullu Ataatsimiititami Kommunalbestyrelsimilu politikkut oqaluuserineqassaaq.

Sanarfinernut Avatangiisinullu Ataatsimiititaq qinnuigineqarpoq piginnaatitsinermik agguataarinissamut pilersaarummi *Sanarfinernut Avatangiisinullu Ataatsimiititamut* tunngasortaa kisiat isummerfigeqqullugu.

Inassuteqaat

Sanarfinernut Avatangiisinullu Ingerlatsivimmit uku Sanarfinernut Avatangiisinullu Ataatsimiititamut inassuteqaatigineqarput:

piginnaatitsinermik agguataarinissamut pilersaarut

- *Sanarfinernut Avatangiisinullu Ataatsimiititamut* tunngasoqakuersissutigineqassasoq
- suliaq Aningaasaqarnermut Inuussutissarsiornermut Ataatsimiititamut Kommunalbestyrelsimullu inaarutaasumik akuersissutigisassanngorlugu ingerlateqqinneqassasoq

Suliassamik saqqummiussineq

Qinikkat Allatseqarfiata piginnaatitsinermut agguataarinissamut tamanut atuuttussaq sularisimavaa. Piginnaatitsinermik agguataarinissamut pilersarummi tamanut atuuttussami takuneqarsinnaavoq, aalajangiisinnaanermut piginnaatitsissutit Kommunalbestyrelsip, ataatsimiititat allaffeqarfimmilu sulisut akornanni qanoq agguataarneqarsimanersut.

Piginnaatitsinermik agguataarinissamut pilersaarummi ingerlatsivinni tamani qinikkanut sullissinerup assigiissarneqarnissaata malinnaaffigilluarneqarnissaa qulakkeerneqassaaq, aammalu suliani ataasiakkaani kikkut aalajangiinissamut piginnaatitaanerini nalornisoqarsinnaanera pinaveersaartinneqassalluni.

Aaqqiissutissatut siunnersuut – suliatigut naliliineq

Piginnaatitsinermik agguataarinermut pilersaarut pisortat ingerlatsivinnilu ataasiakkaani aqutsisut oqaloqatigereerlugit, aammalu ingerlatsivinni piginnaatitsinermik agguataarinissamik pilersaarut siornatigullu suliamik saqqummiussat aammalu Kommuneqarfik Sermersuumi Aqutsinermi lleqqoreqqusat naapertorlugit sularineqarpoq.

Piginnaatitsinermik agguataarinermut pilersaarut aalajangiiffigisassat aalajangersimasut tamaasa imarai, kommunalbestyrelsimiinngikkunit imaluunniit Aningaasaqarnermut Inuussutissarsiornermullu Ataatsimiititamut, ataatstimiiitanut ataavartunut imaluunniit allaffeqarfimmut suliaassanngortinneqarsimasut. Piginnaatitsinermik agguataarinissamut pilersaarummi allaffeqarfiup iluani aalajangiinissamut piginnaatitsissutit agguataarneqarnissaat malittariassaliorneqanngilaq. Taamaattumik nammineq ingerlatsiviit iluminni naleqquttunik pilersaarusiortarnissaat sulii pisariaqassaaq.

Kisianni suliat suulluunniit piginnaatitsinermik agguataarineq eqqarsaatiginngikkaluarlugu kommunalbestyrelsimut imaluunniit Aningaasaqarnermut Inuussutissarsiornermullu Ataatsimiititamut aalajangiiffigisassanngorlugit saqqummiunneqartassapput, suliaq pingaaruteqarpat imaluunniit kommunimut tunngaviatigut pingaaruteqarpat imaluunniit immikkut ittunik peqquteqarpat.

Piginnaatitsinermik agguataarinermut pilersaarut suliaasaqarfimmut makkununga agguataagaavoq:

- Tamanut tunngasut
- Aningaasaqarneq
- Suliffeqarfimmut Sulisunullu
- Sanarfinermut Avatangiisinullu Ingerlatsivik
- Meeqqanut Ilaqutariinnullu Ataatsimiititamut
- Meeqqanut Atuarfeqarnermullu Ataatsimiititamut
- Isumaginninnermut Suliffeqarnermullu Ataatsimiititamut

Piginnaatitsinermik agguataarinissamut pilersaarut ataatsimiititani ataavartuni, Aningaasaqarnermut Inuussutissarsiornermullu Ataatsimiititami Kommunalborgbestyrelsimilu politikkuq oqaluuserineqassaaq. Piginnaatitsinermik agguataarinissamut pilersaarut inaarutaasumik akuerineqareerpat aalajangiinissamut piginnaatitsissutit agguataarneri atuutissapput siusinnerusukkuq qanorluunniit ittunik aalajangiisoqarsimagaluarpat.

Aningaasaqarnikkut sulisoqarnikkullu naliliinerit
Soqanngilaq

Inatsisitigut tunngavigisaq allakkallu tunngaviusumik uppernarsaatitallit
Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
Kommuneqarfik Sermersuumi Aqutsinermi lleqqoreqqusat.

Ingerlariaqqinnissaq

Piginnaatitsinermik agguataarinissamut pilersaarut akuerineqareerpat ingerlatsiviit aalajangiinissamut piginnaatitsinermik pilersaarutit siunissami aagguataarneqarnissaat pillugu ilisimatinneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Ilanngussat

1. Kommuneqarfik Sermersuumut Piginnaatitsinermik agguataarinissamut pilersaarummut siunnersuut.

Punkt 05B: Nuuk Centerip allinissaanut suliap pilersaarusionerqarnissaanut qinnuteqaat

Beslutning

Innersuussutigineqartut akuersissutigalugit.

Bilag

Bilag 1 KAL.pdf

Bilag 2 Kal.pdf

Bilag 3 KAL.pdf

Bilag 4 DK KAL.pdf

Bilag 5 DK KAL.pdf

Nuuk Centerip allinissaanut suliap pilersaarusioneqarnissaanut qinnuteqaat

Suliap pilersaarusioneqarnissaanut qinnuteqaatip inaarutaasumik akuersissutigineqarnera

Aalajangiiffigisassaq

J nr: 16.03-P2/20/18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliamik eqikkaaneq

Nuuk Centerip allilernerqarnissaata pilersaarusioneqarnissaanut qinnuteqaat sapaatip akunnerini 8-imi tusarniaassutigineqareerpoq, matumuunalu suliassaq inaarutaasumik akuerineqarnissaminut saqqummiunneqarpoq. Piffissami tusarniaaviumi pilersaarusionertaa iluarsineqartarpoq, tamanna illuliortaatsikkut annertunerusumik iluarsisuteqarnermik kinguneqarpoq. Piffissami tusarniaaviumi akissuteqaat ataaseq tiguneqarpoq, tamannalu ingerlatsiviup naliliinera malillugu suliassamat kinguneqarnaviangilaq. Ingerlatsiviup tusarniaanermi akissuteqaammik suliaqarnera llanngussaq 1-imi takuneqarsinnaavoq.

Pilersaarusiampiipput inuussutissarsiutit akuleriiaartut, aalajangersimasunik nioqquteqarnek, neriniartarfik/cafe inissiallu. Piffissami tusarniaaviumi meeqqat ukiumikkut akuleriinnut meeqqerivik 200-t missaannik inissalik ilanngunneqarsimavoq. Tamanna Nuuk City Development suleqatigalugu pivoq, Nuullu pingaarnertut ilulissaanut nutaamut ilaanani. Pilersaarusiampiipportaaq silamiiffigineqarsinnaasoq tamanit tikinneqarsinnaasoq, taanna nunamiit qutsinninngorlugu pineqassaaq kiisalu biilnut uninngasarfik qulisaq.

Pilersaarusiaq malillugu biilnut uninngasarfik kujataata tungaaniit tikinneqartartoq matuneqassaaq, taamaalilluni Kommuneqarfiup Allaffiata aamma blok 1-10-p kiisalu Nuuk Centerip akornani aqqaataareersoq pisuinnarnut assigisaannullu isumannaannerulersinneqassaaq. Nioqqutissanik assartuineq aamma nunap iluanukarneq kiisalu biilnut uninngasarfimmuut qulisamukarneq pilersaarusiampi portunertaliat immikkoortitat marluk aqqusaarlugit pissaaq, taamaaliornikkut immikkoortumi angallannikkut annerusumik isumannaallisaasoqassaaq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat makkua inassuteqaatigissavai:

- Ingerlatsiviup inaarutaasumik akuersissuteqarnera suliallu ingerlateqqinneqarnissaa pillugu inassuteqaataa akuerineqassasoq.
- Pilersaarusiap akuerisap aamma suliarineqarnissaa Aningaasaqarnermut Inuussutissarsiornermullu Ataatsimiititamat akuersissutigisassanngorlugu ingerlateqqinneqassasoq,
- Tamatumalu kingornatigut Aningaasaqarnermut Inuussutissarsiornernermullu Ataatsimiititap pilersaarusiamp qinnuteqaat Kommunalbestyrelsimit inaarutaasumik akuerisassanngortinneqassasoq.

Suliap saqqummiussineq

Kommunalbestyrelsiip ulloq 2 oktobari ataatsimiinnermini Nuuk Centerip allilernerqarnissaa pillugu pilersaarusiaq sapaatip akunnerini 8-ni piffissami ulloq 10 oktobarimiit ulloq 5 decembari 2018-ip tungaanut tusarniaassutigineqarnissaa toqqarpaa.

Massakkut piffissaq tusarniaaviusoq qaangiuppoq matumuunalu pilersaarussiaq inaarutaasumik akuerisassanngorlugu saqqummiunneqarluni. Piffissami tusarniaaviusumi pilersaarussiaq iluarsaanneqartarpoq, tamannalu illuliortaatsikkut isikkussaaniq iluarsiiissuteqarnermik kinguneqarpoq. Iluarsiiissuteqarnerit naammassineqarput, pilersaarussiaq meeqqanut ukiumikkut akuleriinnut meeqqerivissaaniq inissianullu quleriit amerlanerusut kissaatigineqarnerat tunngavigalugit. Tassunga atatillugu illussaniq titartaasartut pingaarnertut isikkussaata oqinnerusutut ilillugu iluarsiiissuteqarfigivaat, taamaalilluni pilersaarussiaq ataatsimut isigalugu napasuliartaareersoq aammalu inissianut napasuliartassaq imminnut oqimaaqatigiinnerusutut isikkoqalersillugit.

Piffissami tusarniaaviusumi akerliliissut ataaseq tiguneqarpoq, taannalu Nukissiorfiit Blok 1-imi teknikkimik atortulersuutaanut tunngassuteqarpoq.. Akerliliissummik ingerlatsiviup suliaqarnera ilanngussa 1-imi takuneqarsinnaavoq.

Pilersaarussiaq inuussutissarsiutit akuleriiaartut, aalajangersimasunik nioqquteqarnej, neriniartarfik/cafe meeqqanut ukiuisigut akuleriinnut meeqqerivik minnerunngitsumillu inissiat. Alliliinissamik siunnersuut centerioreersumut atatinneqassaaq tunngavimmigullu napasuliaaassaaq inissiaqarfiusoq. Alleq ilumigut biilinuq uninngasarfiussaaq qulisaalluni, teqeqquanilu kujammut qangimut sammisoq inunnuq tunngatinneqassaaq, (pisiniarfik/cafe imaluunniit neriniartarfik). Quleriit siulliat centerioreersup allissutigissavaa aamma kujammut kangimut sammisuani cafemut/neriniartarfimmut atasumik qaavani naatsiiveqarluni. (takuuk ilanngussa 3)

Aaqqiissutissatut siunnersuut – suliatigut naliliineq

Pilersaarussiaq illuliortaatsikkut eqqaminut tulluarsarneqassaaq, minnerunngitsumik qanoq pitsaanerpaamik illutaareersumut Nuuk Centeriusumut aamma Namminersorlutik Oqartussat allaffeqarfiannut atassuserneqarnissaa eqqarsaatigalugu.

Alliliissutissatut siunnersuutigineqartoq marlunnik quleriilinnik tunngaveqartinneqassaaq, tassani aqquuserngup nalaani biilinuq uninngaasarfik qulisaq inissisimassaaq taavalu centerip allissutaa quleriit siullianniitineqarluni. Centerip nammineq allissutaa inunnuq takkuttartunut sammitinneqarnerussaaq, angalaarujoomissaaq periarfissaalluni, massakkutut siumut utimullu uteqattaarani. Pilersaarutissartut siunnersuummi allannguutissaaq annerpaaq tassaavoq, aqqusinermiit qulaani naatsiivinnut tamanit tikinneqarsinnaasunut majuartarfiit sangutinneqarnerat toqqoqqanerulaartumillu inissisimatinneqalernerat. Nalilerneqarporli pilersaarussiaq pilersaarut pillugu nassuiaammi tamanna iluarsiiigineqarsinnaasoq.

Inissianut napasulialiortoqassaaq arfineq-pingasunik quleriilimmik taakkulu napasuliaareersumut kipungasunngorlugu sananeqassaaq, tamannalu sanaartukkap siunnersuutigineqarnermisut ataatsimut isikkuanut oqimaaqatigiissitsilissaaq. Nuuk illorsuarnut portusuunut periuseqarpoq, Imaneq atuarlugu portusuunik illuliorfiusutut ittumik. Pilersaarussiaq taanna NC-p napasuliaanut attuumassuteqarmat, ingerlatsivimmit nalilerneqarpoq pilersaarussiaq illorsuit portusuut pillugit periusissiamut naleqquttusoq.

Quleriit aappaanni meeqqanut ukiumikkut akuleriissitanut meeqqeriviliortoqassaaq, taannalu illorsuup qulaani pinnguartarfiarneqassaaq. Meeqqerivik imatut sanaartorniarnaqarpoq, sammivinniit arlalinniit qaamaneq pineqarsinnaanngorlugu aamma avannaata aammalu kujataata

tungaani pinnguarterfeqarsinnaalluni. Tamanna Nuuk City Development suleqatigalugu pivoq, Nuullu pingaarnertut ilulissaanut nutaamut ilaanani.

Pilersaarussiaq iluarsisaq inissianut ataatsimut katillugit 325 m²-inik kiisalu meeqqerivik 1.225 m²-inik annertunerusunik kinguneqassaaq .. Illuatungaanik inuussutissarsionermut atorineqartussat m²-ii annikinnerulissapput, centerili 440 m²-inik annertunerulerluni.

Pilersaarutissatut siunnersuut immikkoortumi angallannermut tunngasunik ajornartorsiuteqarnermut iluarsissuteqaqataassaaq, centerioreersup kujataata tungaa ullumikkut angallattunut pisuinnarnullu isumannaatsuunngimmat. Tamanna pilersaarummi aqutigineqarnissaa matuneqassaaq nioqutissanillu assartuineq avannaata tungaaniit pialissaaq.

Pilersaarutip illoqarfiup initaanik pitsaanerulersitsissaaq illoqarfimmi silamiiffigeriaatsimik allatut ittumik peqalersitsilluni, ilusilerneqarnermigut silaannaap assiaquserneqarnissaa eqqarsaatigineqarpoq tamaanilu nunap ilusaata suliarineqarneratigut. Pilersaarummili illup kujataata nunaminertaa suli isummerfigineqanngilaq. Illorsuup/pilersaarusiap illoqarfiullu imminnut katinnerisa suliarineqarnissaa piunnaasaqataassasoq Ingerlatsivimmit Kommunalbestyrelsimut innersuussutigerusunneqarpoq (Takuuk ilanngussaq 5), aamma H.J Rinksvejip tungaanut pisuinnarnut sikkilertunullu pissutsit qulannaatsuutinneqarnissaat pillugu. Pilersaarusiariaaseq eqqarsaatigalugu tamanna ima isumaqarpoq, sanaartorfissiami nunaminertaq sanaartorneqartumit annertunerusoq ilanngunneqassasoq, taanna sanaartortitsiumaartussamit pilersinneqarnissaa pisussaaffiussasoq.

Nunaminertamik inniminniinissami piunnaasaqataavoq, qulaaniittut 1-6 ingerlanneqarnissaasa nassuiarneqarnissaasa saniatigut, Blok 1-ip ingitserneqarnissaa pillugu sukumiisumik pilersaarussiaq suliarineqassasoq, tassa tamatuma iluarsaateqqinneqarnissaa, nunaminertap qallersorneqarnissaa aammalu sanaartornermi ingerlatseqatigiiffiortoqassasoq piginneqatigiisut peqataaffigisaannik.

Aningaasatigut sulisoqarnikkullu naliliinerit

Pilersaarussiaq politikkikkut inaarutaasumik akuersissutigineqassagaluarpat soqutigisaqatigiillu uppersarsinnaappassuk, selskabip aningaaserivianit oqaaseqaateqartitsinikkulluunniit, selskabi aningaasat eqqarsaatigalugit pilersaarummik naammassinnissinnaasoq, taava nunaminertamik inniminniisoqarsinnaavoq ukiut marluk angullugit inniminnerneqarsinnaasumik. Piffissami tassani soqutigisaqatigiit namminneerlutik immikkoortoq taanna pillugu kommunimut pilersaarummut tapiliussassamik suliaqassapput.

Inatsisitigut tunngavissaq allakkallu tunngaviusumik uppersaaitallit

Pilersaarusiorneq aamma nunaminertat atorineqartarnerat pillugit Inatsisartut inatsisaat nr 17, 17 novembari 2010-meersoq aamma Inatsisartut inatsisaat nr 34, 9 decembari 2015-imeersoq

Ingerlariaqqinnissaq

Pilersaarussiaq Kommunalbestyrelsimit akuersissutigineqassagaluarpat, nunaminertaq soqutigisaqatigiinnut ukiuni marlunni inniminnerneqarsinnaavoq, tamatumalu kingorna taakkunanga immikkoortoq pillugu sukumiisumik aalajangersagartalmik kommunimut pilersaarummut tapiliussassaaq suliarineqassaaq.

Kommunimut pilersaarummut tapiliussassap suliarineqarnera naammassippat, nunaminertamik atugassiisoqarsinnaavoq taavalu sanaartugassaq aallartinneqarluni.

Aningaasaqarnermut Allatseqarfimmit oqaaseqaatit

Oqaaseqaateqartoqanngilaq.

Innuttaasunik peqataatsineq/attaveqaqatigiinneq

Ulloq 3 oktobari tamanut pilersaarussiaq pillugu paasisitsiniaalluni Katuap ikinngutigiinnut inersuani ataatsimiititsisoqarpoq. Inuit 30-t missaaniittut najuupput. Pilersaarussiaq ataatsimut isigalugu isumalluortoqarpoq.

Kommunimut pilersaarummut tapiliussap suliarineqarneranut atatillugu siunnersuut tamanut tusarniaassutigineqassaaq sapaatip akunnerini 6-ini.

Ingerlatsivinnit allanit oqaaseqaatit

Oqaaseqaateqartoqanngilaq.

Ilanngussat

1. Akerliliissutininik suliaqarneq
2. Akerliliissutit
3. Pilersaarussiaq pillugu qinnuteqaat ilanngunneqarpoq
4. Inatsisartut inatsisaat nr 34, 9 decembari 2015-imeersoq
5. Illoqarfiup initaa

Punkt 05C: Mitsimmavik, Nuummi inissialiorfissaq nutaaq

Beslutning

Innersuussutigineqartut akuersissutigalugit.

Innersuussutigineqartut amerlanerussuteqartunit akuersissutigineqarput, Aningaasaqarnermut Inuussutissarsiutinullu Ataatsimiititamut aamma Kommunalbestyrelsimut ingerlateqqinneqarput.

Ikinnerussuteqartut suliap kinguartinnissaa kissaatigivaat, paasissutissanik amerlanernik takkuttoqarnissaanut aammalu aalajangigassani taama annertutigisuni Ataatsimiititap siulittaasuata najuunnissaa kissaatigalugu.

Bilag

BILAG 1 KAL.pdf

Bilag 2 KAL DK.pdf

Bilag 3 KAL DK.pdf

Mitsimmavik, Nuummi inissialiorfissaq nutaaq

Sanaartugassatut qinnuteqaat

Aalajangiiffigisassaq

J nr: 16.03-P20-6-18

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsivik Nuummi Qinnugtsinni suliassatut nutaanik inissialiornissamut atugassamik nunaminertamik atuinissamut immikkoortitsiffigineqarnissamik qinnuteqaammik tigusaqarpoq. Qinnuteqaammi pineqarput sanaartorfigiuminarsaanissaq, attaveqaatinik atortulersuutinillu pilersitsinissaq aammalu inissianik 160-it missaanniittunik sanaartornissaq, aammalu meeqqeriviliornissaq kiisalu asiartarfittut ornittakkanik ilaatigut sissaq sinerlugu aqqusiornissaq.

Sanarfinermut Avatangiisinullu Ingerlatsiviup nalilerpaa suliassaq Illoqarfiit pingaarnersaannut periusissiamut kommumullu pilersaarummut naapertuulluinnartuusoq, tassani inissiat assigiinngitsut neqeroorutigineqarmata, meeqqerivik aammalu asiartarfittut ornittakkat, Nuummi inissiaqarfanni ineriartortitsinissamut pilersaarutaareersunut ilaatitsereermata.

Taamaakkaluartoq Sanarfinermut Avatangiisinullu Ingerlatsiviup siunnersuutigaa, ataasiakkaanik piumasqaateqartoqassasoq ilaatigut sissaq sinerlugu aqqusiassap inissinneqarnissaanut atatillugu, suliassatullu qinnuteqaammi inissiiffissaatut siunnersuut pinnagu, ilanngullugulu inissialiassat qanoq suliarineqarnissaannut tunngasoq iluarsineqassasoq, taamaasilluni siunissami attartortunngortussanut tamakkiisumik aaqqiissutissaq pitsaanerulerniassammat.

Inassuteqaat

Sanarfinermut Avatangiisinullu Ingerlatsivimmit uku Sanarfinermut Avatangiisinullu Ataatsimiititamut inassuteqaatigineqarput:

- Pilersaarut suliamullu tunngatillugu ingerlariaqqinnissaq akuerineqassasut,
- Pilersaarutip suliallu akuersissutigineqartup sapaatip akunnerini arfineq-pingasuni tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut kingornalu Kommunalbestyrelsimut akuersissutigisassanngorlugu ingerlateqqinneqassasoq.

Suliassamik saqqummiussineq.

Sanarfinermut Avatangiisinullu Ingerlatsivik Nuummi Qinnugtsinni suliassatut nutaanik inissialiornissamut atugassamik nunaminertamik atuinissamut immikkoortitsiffigineqarnissamik qinnuteqaammik tigusaqarpoq. Qinnuteqaammi pineqarput sanaartorfigiuminarsaanissaq, attaveqaatinik atortulersuutinillu pilersitsinissaq aammalu inissianik 160-it missaanniittunik sanaartornissaq, aammalu meeqqeriviliornissaq kiisalu asiartarfittut ornittakkanik ilaatigut sissaq sinerlugu aqqusiornissaq.

Sumiiffiit ilaanut inniminniinermik qinnuteqartoqarpoq, Pilersaarusiornermut Inatsit nutaaq naapertorlugu, Inatsisartut inatsisaat nr. 34, 9. december 2015-imeersoq. Ilanngussaq 2 takuuk. Pilersaarusiornermut Inatsisip allanngortinnerata nutaap ingerlanera ima nassuiarneqarsinnaavoq:

- 1 Aningaasaliisussap/Suliffeqarfiup pilersaarutini Kommunalbestyrelsimut nassutissavaa, piunasaqaataavorlu aningaasaliisussap nammineerluni pilersaarummut tunngavilersuinissaa aammalu avatangiisinut tunngatillugu naliliinerit, assersuutigalugu VVM-it nammineq isumagalugit.
- 2 Kommunalbestyrelsip pilersaarut akuerissavaa, minnerpaamillu sapaatit akunnerini arfinilinni tusarniaassutigissallugu, tassunga ilanngunneqassapput Kommunalbestyrelsip qinnuteqarnissamut piunasaqaatai, taakkulu arlaanulluunniit attuumassuteqassanatik.
- 3 Tusarniaanermi innuttaasut tusarniaassummut akissuteqarsinnaapput, akerliliissuteqarsinnaapput imaluunniit allanik pilersaarutaasinnaasunik tunniussaqaarsinnaallutik.
- 4 Qinnuteqaatit tunuliaqutigalugit Kommunalbestyrelse arlaanulluunniit attuumassuteqanngitsumik pilersaarummik pitsaanerpaamik toqqaassaaq.
- 5 Tamatuma kingorna aningaasaliisussaq ukiuni marlunni sivilissuseqarsinnaasumik nunaminertamik inniminniinissaminik periarfissaqalissaaq kommunimullu pilersaarummut tapiliussap suliarineqarnera aallartissaaq.
- 6 Pilersaarutip annertussusaa tunngavigalugu avatangiisinut naliliisoqassappat, assersuutigalugu VVM-imik naliliisoqartariaqarpat, pilersaarummik piginnittup nammineerluni suliarissavaa aningaasaliiffigalugulu.

Pilersaarusiornermut inatsisip allanngornerata kingorna, nutaaq naapertorlugu, Pilersaarutit kommunimut pilersaarummut imaluunniit politikikkut takorluukkanut naapertuutinnippata Kommunalbestyrelsimut qaqugukkulluunniit unitsinneqarsinnaasut eqqaamaneqassaaq. Kalaallit Nunaanni inuussutissarsiornep Naalakkersuisunit Kommuniniillu siuarsarneqarusunnera Pilersaarusiornermut Inatsimmik allannguinermi siunertarineqarpoq, taamaaliornikkut aningaasaliisussanut aningaasaliinissaq ajornannginnerulissamat orniginarnerullunilu.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup nalilerpaa suliassaq Illoqarfiit Pingaarnersaannut Periusissiamut naapertuulluinnartuusooq, tassani inissiat assigiinngitsut neqeroorutigineqarmata, meeqqerivik aammalu asiartarfittut ornittakkat, Nuummi inissiaqarfinni ineriartortitsinissamut pilersaarutaareersunut ilaatitsereermata.

Ataatsimut isigalugu suliassami sanaartornermi aaqqiissuussinerit najoqqutarineqarput, illuliarineqartussallu isikkussaat Nuummi ineriartortitsinissamik kissaatigineqartumut naapertuulluinnarput.

Inissialiassat 160-it saniatigut suliassamut ilaavoq silami majuartarfik qitiusumik inissisimasooq, taannalu immikkoortumi pisuunnaat aqquataannut ataneqarpoq, aqquataanili pinnguartarfeqarlunilu sangusarfeqassaaq uninngaarfiusinnaasunik. Taamatut suliarineqaruni sumiiffik tamaat pitsaassuseqalersissavaa inissialiillu assigiinngisitaartut ataatsimuulersillugillusooq.

Suliassaq immikkoortut ilaannut marlunni qinnuteqaataavoq, taakku Nuuk Pingaarnertut ilusissaani (Siorarsiorfik) pilersaarutaareersumi inissisimapput. Suliassatut qinnuteqaat

amerlasuutigut kommunimut pilersaarummut akuersissutaareersumut naapertuuppoq, kisiannili makkunatigut immikkuullarissuteqarluni:

Suliassatut siunnersuutigineqartumi illuliarineqartussat tamarmik ataatsimik marlunnillu amerlanerusunik qulereeqartitsissapput, kisialli suli najugaqarfiit tamarmik isikkivigissaarnissaat eqqarsaatigineqarpoq.

Aqqusineqartinneqarnera imaalillugu allanngortinneqarpoq, suliassatut siunnersuummi aqquserngit sisamat ingerlariaqqiffeqanngitsut sularineqassapput, sumiiffik kaajallallugu ingerlariaqqiffissalimmik aqqusinniornissamut taarsiullugu.

Ingerlatsivik isorisaqalaarpoq, soqutiginnittullu tamakkua suliap ingerlaqqinnissaanut suliareqqissavai; sissaq sinerlugu aqqusineeqqap erseqqissaatiginissaa aammalu suliassami ilaqtariit ataatsit qanoq sularineqarnissaannut tunngatillugu isummernissaq.

Sissaq sinerlugu aqqusineeraq:

Sissaq sinerlugu aqqusiassap aallartinnissaa naammassinissaalu erseqqissumik nalunaarutigineqassasut, taavalu aqqut imaq sinerlugu sularineqassaaq, tamanit aqutigineqarsinnaasunngorlugu.

Qanoq sularineqarnissaat:

Illut villat qulingiluat qanoq sularineqarnissaat eqqarsaatigalugu Siorarsiorfiup sularineqarnissaanut najoqqutassami aammalu Illuliortaatsimut politikimi allaaserineqartut malinneqassapput. Ilaqtariit illuanni ataatsimi arfinilinnik initalimmi init pingaarnertut ataatsimoorfiusartussat tassaassapput igaffik/inilu assigiinngitsunik suaiaqarfiusartoq, taannalu matumani illup alanngortaani inissisimavoq, qaqqap tungaanut sammisumi isikkiveqarpiannngitsumiilluni, naak illoqarfiup ilaa tamanna tupinnaannartumik isikkivigissumiikkaluartoq. Taamatut sularineqassaguni init pingaarnertut kiassarneqarnissaat qaamaneqarnissaallu eqqarsaatigineqartumut naapertuutissanngilaq, tassami innaallagissamik atuinikillisaataassamat aammalu FN'p Nunarsuaq tamakkerlugu illoqarfiit inoqarfiillu piujuartitsinermik tunngaveqarnissaannik **anguniakkamik 11-mi aammalu akisussaassuseqartumik atuneq tunisassiornerlu eqqarsaatigalugit anguniakkamik 12-mi anguniakkanut** naapertuutissagalualuni. (Siorarsiorfik pillugu Najoqqutassami imm 05 innersuussutigalugu)

Aningaasaqarnikkut sulisoqarnikkullu naliliinerit

Soqutiginnittumit pilersaarummut aningaasartuutit tamarmik akilerneqartussaammata Kommuneqarfik Sermersuumut aningaasartuutaassanngilaq.

Inatsisitigut tunngavissaq allakkallu tunngaviusumik uppersaatitallit

Pilersaarusionerq aamma nunaminertat atorneqartarnerat pillugu Inatsisartut inatsisaanni nr. 17, 17 november 2010-meersoq & Inatsisartut inatsisaatigut nr. 34, 9. december 2015-imeersoq Kommunimut pilersaarut digitaliusoq www.sermersooq2028.gl

Ingerlariaqqinnissaq

Imatut ingerlariaqqittoqassaaq:

1. Suliniut politikikkut akuerineqarpat, soqutiginnittup pilersaarutip tusarniaassutigineqannginnerani uku pissarsiareqqaassavai:
 - Pilersaarutip piviusunngortinneqarnissaaneranut naliliinermik uppersaata aningaasaateqarfimmeersoq
Sanarfinermut Avatangiisinullu Ingerlatsivimmit pilersaarutip suliarinissaanut najoqqutassamiittut tamaasa minnerpaamik naapertuuttumik naammassisinnaaniassammagit, najoqqutassamik suliaqarpoq pilersaarut ilanngullugu nassiunneqartussamik. Najoqqutassaq ilanngussaq 3-mi takuuk.
2. Pilersaarut pillugu tamanut tusarniaanerup nalaani paasissutissiilluni ataatsimiisitsisoqarumaarpoq.
3. Tamatuma kingorna akerliliissutaasimasinnaasut suliarineqassapput, inaarutaasumillu pilersaarut Sanarfinermut Avatangiisinullu Ataatsimiititamut, Aningaasaqarnermut Ataatsimiititamut kiisalu Kommunalbestyrelsimut inaarutaasumik akuerineqarnissaanut ingerlateqqinneqassaaq.
4. Kingornalu soqutiginnittumut nunaminertamat akuersissut ukiuni marlunni atuuttussaq tunniunneqassaaq, soqutiginnittorlu nammineq immikkoortumut sukumiisumik aalajangersagartallimmik kommunimut pilersaarummut tapiliussassatut siunnersuusiussaaq.
5. Kommunimut pilersaarummut tapiliussap suliarineqarnera naammasseriarpas, sanaartorneq illuliornerlu aallartisarneqarsinnaanngussapput.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Suliassaq akuersissutigineqassappat tusarniaassutigineqarlunilu, Sanarfinermut Avatangiisinullu Ingerlatsiviup suliassamik piginnittut peqatigalugit suliassaq pillugu tamanut ammasumik paasissutissiinertalimmik ataatsimiititsissapput.

Tamatuma saniatigut suliassatut siunnersuut Nuuk Ugeavis aammalu kommunip nittartagaa aqutigalugit nalunaarutigineqassaaq, kiisalu atortussat suliassamut tunngassuteqartut tamanit pissarsiarineqarsinnaassallutik.

Ingerlatsivinnit allanit oqaaseqaatit

Soqanngilaq

Ilanngussat

1. Ilanngussat ilanngullugit pilersaarummut qinnuteqaat
2. Inatsisartut inatsisaat nr. 34, 9. decembari 2015-imeersoq
3. Misissugassatut allattorsimaffik Sanarfinermut Avatangiisinullu Ingerlatsivimmit suliarineqartoq

Punkt 6: Taasariaqartut allat

Beslutning

Mala Høy Kuko (S): Tasiilami amoortaatip inissisimaffiata killiffia kissaatigivaa.

Laura T (S): Pitsaanerumik attaveqaqatigiinnissaq ujartorpaa inissianut aningaasaleeriaatsit pillugit uani pineqarlutik 202060, piginneqatigiilluni inissianut attartornerit, typehusit ilaalu ilanngullugit.

Punkt 7: Suliati matoqqasut

Soqanngilaq.

Beslutning

Soqanngilaq.

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15.04.